



INATSISARTUNI

Partii Inuit
Randi Broberg

UPA 2014/1-106

13.5.2014

Sinerissap qanittuani qaleralinniarnermi Upernaviup, Uummannap Qeqertarsuullu aqutsiveqarfiini aqutsiveqarfiit titartagaanerisa siunnersuutip tunngavilersuutaani allattorsimanerattuut kiisalu ilanngussani (bilag) 1-miit 4-mut titartarsimani malillugit allanngortinneqarnissaat isumageqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Karl-Kristian Kruse, Siumut)

Partii Inuiniit sinerissap qanittuani aalisartut pingaartumillu qaleralinniarnermi aalisarfiit aammalu aqutsiveqarfiit pillugit ingerlatseriaaseq tamakkiisumik paaseqatigiiffiunngittarnera maluginiarlugu sukumiisumik atuisut qanimut tikillugit isumasiortarlugillu tusarniaaffigisarsimavagut.

Mannalu iluatsillugu inatsisartunut ilaasortaq Karl Kristian Krusep avannaani upernavik uummannaq Qeqertarsuullu tunuani aqutsiveqarfiit pillugit aqqissuusseqqittoqarnissaa siunertarlugu aalajangiiffigisassatut immikkoortunut sisamanut agguataarneqarsinnaanissaannik oqaluuserisassanngortsitsinera ilalerlugu Partii Inuit nuannaarutigigatsigu oqaatigissavarput.

Taamaattoq pissusissamisoorutut isigissavarput suliassaq atuisut qanimut peqqissaartumik peqataatinneqarlutik tusarniaavigineqarnerisigut aattaat aatuuttussanngortinneqassappat, tassa allannguutissaqarpat allannguutaasinnaasut tamaasa ilanngullugit nalilersuilluarnikkut aalajangiussinissamik tikkuussisoqartariaqartoq Partii inuit pissusissamisoorutissavarput.

Taama naattumik oqaaseqarluta ataatsimiisitalianut susassaqtartunut ingerlateqqinneqarnissaa innersuussutingaarput.